

**PROTOCOLO DE COLABORACIÓN ENTRE A CONSELLERÍA DE CULTURA, EDUCACIÓN E
ORDENACIÓN UNIVERSITARIA DA XUNTA DE GALICIA E A FEFERACIÓN GALEGA DE
MUNICIPIOS E PROVINCIAS PARA COLABORAR NA HABILITACIÓN DOS CONCELLOS
CONTIDA NO ARTIGO 65 DA LEI 5/2016, DO 4 DE MAIO, DO PATRIMONIO CULTURAL DE
GALICIA**

Santiago de Compostela, 4 de decembro de 2017

REUNIDOS


Dunha parte, D. Román Rodríguez González, conselleiro de Cultura, Educación e Ordenación Universitaria, que en virtude do seu nomeamento a través do Decreto 148/2016, do 13 de novembro (Diario Oficial de Galicia número 217, do 14 de novembro) actúa de conformidade coas facultades que lle atribúe o artigo 34 da Lei 1/1983, do 22 de febreiro, de normas reguladoras da Xunta e da súa presidencia, modificada pola Lei 11/1988, do 20 de outubro e pola Lei 2/2007, do 28 de marzo, así como o Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria.

Doutra parte, D. Alfredo L. García Rodríguez, Presidente da Federación Galega de Municipios e Provincias (FEGAMP), no uso das facultades que lle son atribuídas polo artigo 46, punto primeiro letra a), dos vixentes estatutos da FEGAMP (aprobados pola asemblea xeral ordinaria de 4 de decembro de 2003) e en virtude do seu nomeamento pola asemblea xeral de 30 de outubro de 2015.

As partes recoñécense mutuamente na calidade na que interveñen a capacidade legal necesaria para o outorgamento deste protocolo de colaboración e, para estes efectos,

EXPOÑEN

Primeiro: a Lei 40/2015, do 1 de outubro de Réxime Xurídico do Sector Público, establece no seu artigo 143 que as Administracións cooperarán ao servizo do interese xeral e poderán acordar de xeito voluntario a forma de exercer as súas respectivas competencias que mellor sirva a este principio.



Segundo: a Consellería de Cultura, Educación e Ordenación Universitaria é o órgano da Administración da Comunidade Autónoma a quen lle corresponden, entre outras, as competencias e funcións en materia de promoción da cultura e dos aspectos vinculados á protección, conservación, difusión, fomento e recuperación do patrimonio cultural de Galicia e dos Camiños de Santiago, así como a elaboración dos anteproxectos normativos que lles afecten.

O artigo 39 da Lei 5/2016, do 4 de maio, do patrimonio cultural de Galicia, establece a competencia exclusiva da Consellería de Cultura, Educación e Ordenación Universitaria para a autorización das intervencións que se pretenda realizar en bens de interese cultural ou catalogados, así como, de ser o caso, no seu contorno de protección ou na súa zona de amortecemento.

Terceiro: a Federación Galega de Municipios e Provincias é unha asociación constituída polos Entes Locais que voluntariamente o decidan, cuxos fins son, entre outros, o de “promover, representar e defender os intereses das entidades locais ante outras administracións públicas”.

Cuarto: para a execución dos seus fins estatutarios a Federación Galega de Municipios e Provincias pode promover todas aquelas accións e actividades tendentes á colaboración con terceiros cuxos beneficios redunden nas entidades locais asociadas, e, por extensión, na cidadanía galega.

Quinto: a Lei 7/1985, do 2 de abril, de bases do réxime local establece no seu artigo 25 que “o concello exercerá en todo caso como competencias propias, nos termos da lexislación do Estado e das Comunidades Autónomas, nas seguintes materias: a) Urbanismo: planeamento, xestión, ejecución e disciplina urbanística. Protección e xestión do Patrimonio histórico. Promoción e xestión da vivenda de protección pública con criterios de sustentabilidade financeira. Conservación e rehabilitación da edificación.”

Así mesmo, a Lei 5/1997, do 22 de xullo, reguladora da Administración Local de Galicia, no seu artigo 80.2.e) establece que “o municipio exercerá, en todo caso, competencias nos termos da lexislación do Estado e da Comunidade Autónoma nas seguintes materias: ... e) o patrimonio histórico-artístico...”.

Sexto: o artigo 65 da Lei 5/2016, do 4 de maio, do patrimonio cultural de Galicia, dispón que “no caso de que os concellos contén con instrumentos de planeamento urbanístico xeral ou de desenvolvemento adaptados ás previsións desta lei en materia de protección do patrimonio cultural, estarán habilitados para autorizar as intervencións que se refiran a bens catalogados



integrantes do patrimonio arquitectónico ou etnolóxico e as súas contornas de protección e zonas de amortecemento.

O concello comunicará á consellería competente en materia de patrimonio cultural, cunha periodicidade trimestral, as autorizacións e licenzas ditadas conforme a esta habilitación.

A dita habilitación concretarase, en cada caso, nun convenio de colaboración específico entre o concello e a consellería competente en materia de patrimonio cultural que recolla, como mínimo, os compromisos de asesoramento autonómico e os recursos técnicos de supervisión e seguimento de carácter municipal, para determinar o alcance da habilitación.”

Sétimo: a disposición adicional cuarta da dita lei indica que “a habilitación aos concellos para a autorización das intervencións á que se refire o artigo 65, independentemente das consideracións específicas que se determinen no convenio de colaboración, deberá garantir polo menos:

- a) Un planeamento urbanístico adaptado á Lei 9/2002, do 30 de decembro, de ordenación urbanística e protección do medio rural de Galicia, ou norma que a substitúa, que conte na súa tramitación co informe favorable expreso da consellaría competente en materia de patrimonio cultural.
- b) A certificación municipal da dispoñibilidade dunha comisión técnica formada, polo menos, con persoal técnico competente para o exercicio da arquitectura, a arqueoloxía e a historia da arte.
- c) Unha metodoloxía e sistematización da información compatibles co regulamento do Catálogo do Patrimonio Cultural de Galicia, que permitan o adecuado traslado da información e comunicación das autorizacións concedidas e o seu contido.

En virtude do exposto, a Consellería de Cultura, Educación e Ordenación Universitaria e a Federación Galega de Municipios e Provincias, conveñen asinar o presente protocolo de colaboración de acordo coas seguintes



CLÁUSULAS

Primeira: obxecto

O obxecto deste protocolo de colaboración é o de establecer as bases para a sinatura de convenios entre a Consellería de Cultura, Educación e Ordenación Universitaria e os concellos da comunidade autónoma de Galicia, para a habilitación establecida no artigo 65 da Lei 5/2016, do 4 de maio, do patrimonio cultural de Galicia, que lles permite autorizar as intervencións referidas a bens catalogados integrantes do patrimonio arquitectónico ou etnolóxico e as súas contornas de protección e zonas de amortecemento.

A dita habilitación deberá respectar sempre as limitacións contidas no dito artigo e polo tanto non poderá referirse a bens declarados de interese cultural, nin a calquera ben catalogado do patrimonio artístico ou arqueolóxico, ou calquera ben incluído no ámbito territorial delimitado como Camiño de Santiago, así como os que sexan titularidade da Igrexa católica e as actuacións de salvagarda que promova a consellería competente en materia de patrimonio cultural, que se someterán ao réxime xurídico ordinario recollido no primeiro punto do artigo e polo tanto deberán ser autorizadas pola consellería competente en materia de patrimonio cultural.

Segunda: actuacións

A Consellería de Cultura, Educación e Ordenación Universitaria e a Federación Galega de Municipios e Provincias, colaborarán conxuntamente para acadar a finalidade recollida na cláusula primeira.

Terceira: obrigas das partes

1. A Consellería de Cultura, Educación e Ordenación Universitaria asume as obrigas de asesoramento ao Concello, sempre que o precise, en relación ao valor cultural dos bens cuxa consulta se eleve á Consellería, sen que en ningún caso este asesoramento ou o cumprimento deste protocolo implique a transferencia de recursos financeiros ou persoais da Consellería aos Concellos.
2. A Federación Galega de Municipios e Provincias, asume a obriga de promover entre as entidades locais asociadas, a sinatura dos convenios de habilitación establecidos no artigo 65 da Lei 5/2016, do 4 de maio, do patrimonio cultural de Galicia.

Cuarta: comisión de seguimiento

Co fin de realizar o desenvolvemento, seguimento e avaliación dos resultados, así como a interpretación e cumprimento do presente protocolo, as partes asinantes conveñen a constitución dunha comisión mixta, que estará integrada por dous representantes da Consellería de Cultura, Educación e Ordenación Universitaria, un dos cales actuará como presidente, e outros dous da Federación Galega de Municipios e Provincias.

Quinta: natureza do protocolo

O presente protocolo debe entenderse, non como unha fonte de obrigas xurídicas ou económicas para as partes, senón como unha declaración programática e os asinantes, baseándose no previsto neste protocolo, realizarán as xestións pertinentes no ámbito das súas competencias, e no seu caso, formalizaranse os convenios de habilitación cos concellos que así o soliciten.

As discrepancias na aplicación e/ou interpretación deste protocolo resloveranse por diálogo directo entre as partes ou pola comisión de seguimento prevista na cláusula cuarta.

En proba de conformidade cos termos deste protocolo, as partes comparecentes o asinan por duplicado exemplar no lugar e data indicados.

Pola Consellería de Cultura,
Educación e Ordenación
Universitaria



Román Rodríguez González

Pola Federación Galega de Municipios
e Provincias

Alfredo L. García Rodríguez
fegamp

FEDERACIÓN GALEGA DE MUNICIPIOS E PROVINCIAS
Presidencia